

INUIT ATAQATIGIIT

Inatsisartuni



11. juli 2018

Inatsisartut Suleriaasianni § 37 imm. 1 naapertorlugu Naalakkersuisunut apequt imaattoq matumuuna saqqummiuppara.

Naalakkersuisunut apequt:

- 1. Naalakkersuisut issittup imartaani uuliap kinertup atorneqarnerata annikillisarnissaanut nunat tamalaat akornanni, soorlu IMO-mi, suliniuteqarnermut isummersonerat sumut killippa?**
- 2. Naalakkersuisut HFO umiarsuarni nunatsinneersuni imartatsinniluunniit atorneqarnera pillugu sunniutissanik misissuititsisimappat?**
 - a. Nalunaarusiortitsisoqarsimappat nalunaarusiaq Inatsisartunut nassiunneqarsinnaava?**
- 3. HFO-p imartatsinni, soorlu takornarissanik angallassinermi, atorneqarnerata annikillisarnissaanut Naalakkersuisut qanoq iliuseqassamaarpat?**
- 4. Assersuutigalugu paamik NOx-millu umiarsuarnit aniatitsinernik annikillisaanissamut Naalakkersuisut qanoq pilersaaruteqarpat?**
- 5. Sammisaaq pillugu Naalakkersuisut allanik paasissutissaateqarpat?**

(Inatsisartuni ilaasortaq Sara Olsvig, Inuit Ataqatigiit)

Tunnngavilersuut:

Umiarsuit silaannarmik mingutsitsinerpaanut ilaapput, aamma Issittumi. Ingammik uuliap kinertup atorneqarnera mingutsitsisuuvoq. Taamaammat akuutissanik arortikkuminaatsunik peqqinnissamullu kingunerlutsitsisunik mingutsitsisunillu aniatitsinerup annikillisarnissaanik suliniuteqarnissaq pisariaqarpoq, silaannarmi mingutsinneqaannarani nuna sermerlu aamma mingutsinneqartarmata sermillu aakkiartorneranut annertusaallunilu silap pissusiata allangoriartorneranik annertusaaqataammata.

Kalaallit Nunaannit imartatsinni issittullu imartaani mingutsitsinerup annikillisarnissaanut akisussaaqataavugut.

Inuit Ataqatigiit HFO-p mingutsitsisullu allat issittumi atorneqarnerannut nunat tamalaat akornanni annikillisaanermut suleqataasoqarnissaanut Naalakkersuisunut naatsorsuuteqarpugut.

Apeqqutitta ullut suliffiusut qulit qaangiutsinnagit akineqarnissaat kissaatigaarput.